



Universitätsbibliothek Paderborn

**Thomæ A Kempis Canonici Regvlaris Ord. S. Avgvstini De
Imitatione Christi Libri Qvatvor**

Thomas <von Kempen>

Antverpiæ, 1617

Cap. XXXVIII. De bono regimine in externis, & recursu ad Deum in
periculis.

[urn:nbn:de:hbz:466:1-45760](#)

C A P. XXXVIII.

De bono regimine in externis, & recursu ad Deum, in periculis.

1 **F**ILI, ad istud diligenter tendere debes, ut in omni loco & actione, seu occupatione externa, sis intimus liber, & tui ipsius potens, & sint omnia sub te, & tu non sub eis: ut sis Dominus actionum tuarum & rector, non seruus nec emptitius: sed magis exemptus verusque Hebræus, in sortem ac libertatem transiens filiorum Dei: qui stant super præsentia, & speculan- tur æterna: qui transitoria sinistro intuentur oculo, & dextro cælestia: quos temporalia non trahunt ad inhærendum, sed trahunt ipsi magis ea ad benè seruiendum: prout ordinata sunt à Deo, & instituta à summo opifice, qui nil inordinatum in sua reliquit creatura.

2 Si etiam in omni euentu stas, non in apparentia externa, nec oculo carnali lustras visa vel audita: sed mox in qualibet causa, intras cum Moysè in *Exo. 33* tabernaculum, ad consulendum Do- minum:

minum : audies nonnumquam diuinum responsum , & redies instructus de multis præsētibus & futuris. Semper enim Moyses , recursum habuit ad tabernaculum , pro dubiis & quæstionibus soluendis: fugitque ad orationis adiutorium , pro periculis & improbitatibus hominum subleuans.

Mat. 6. dis. Sic & tu configere debes, in cordis tui secretarium , diuinum inten-
Ios. 9. tiūs implorando suffragium. Propter-
 èà namque Iosue & filij Israel, à Gab-
 baonitis leguntur decepti : quia os
 Domini priùs non interrogauerunt,
 sed nimiùm creduli dulcibus sermo-
 nibus, falsa pietate delusi sunt.

C A P. XXXIX.

*Quod homo non sit importunus,
 in negotiis.*

FILI , committe mihi semper causam tuam , ego benè disponam in tempore suo. Exspecta ordinationem meam, & senties inde profectum. Domine , satis libenter tibi omnes res committo; quia parum potest

R
G
C